



UNIVERSITÄTS-
BIBLIOTHEK
PADERBORN

Universitätsbibliothek Paderborn

Assertio Omnium Articvlorvm M. Lvtheri, Per Bvllam Leonis X. Novissimam Damnatorvm

Luther, Martin

[Basel], 1521

VD16 L 3876

Vicesimvs Nonvs. Via nobis facta est eneruandi autoritatem Conciliorum,
& libere contradice[n]di eorum gestis, & iudicandi eorum Decreta, &
confidenter confitendi quicquid uerum uidetur, siue ...

urn:nbn:de:hbz:466:1-33308

ARTICVLORVM DAMNATORVM

*Homini non
tantopere &
fidei credendum.*

Nota.

Igitur siue Papa, siue pars, siue Conciliū sic aut sic sentiat nemini debet esse praeiudicium, sed abundet quisque in sensu suo, in eis rebus, quae necessariae non sunt ad salutem. In libertatem enim uocati sumus, ut non sit uecelle credere uerum, quod alius homo sentit uel dicit, contenti eis credere, quae in scripturis docti sumus. Si uero Papa poterit ullo iota probare, se habere ius condendi etiam minimam legis literam, nedum articulos fidei statuendi, libenter haec reuocabo. Vsum & praesumptionem, quibus haecenus praeualuit, non curo, scripturas sanctas quaero, quandoquidem omnia, quae in Ecclesia fiunt, e scripturis sanctis, auctoritatem & exemplum habere debent. Sicut dicit Deutro. iiii. Nō addetis ad uerbum quod loquor uobis, nec auferetis ex eo. Et Zach. ii. Legem dei requirent ex ore sacerdotis, quia angelus domini exercituum est.

VICESIMVS NONVS.

Via nobis facta est eneuandae auctoritatem Conciliorum, & libere contradicendi eorum gestis, & iudicandi eorum Decreta, & confidenter confitendi quicquid uerum uidetur, siue probatum, siue reprobatum fuerit a quocunque Concilio.

*Scriptura sit
iudex conciliorum.*

Quam maligniter & insidiosae sanctissimus ille Christi uicarius captat mea uerba. Sic enim ponit hunc articulum, ac si ego uoluerim Concilijs resisti pro cuiusuis libidine. Ego enim docui Concilijs dissentire & resistere, si quando contraria uel scripturae uel sibi ipsis statuissent. Scripturam, inquam, uolo iudicem esse Conciliorum. Quod dixi, propter concilia illa nouissima, in quibus nihil definitum est, iuxta scripturas, sed omnia secundum mera hominum statuta & somnia, si qua optima statuta sunt, ut potius hominum conciliabula, quam concilia Ecclesiae dicere possis. Nam quid Constantiae statutum sit, uidebimus infra,

Quod

Quod si etiam nunc dicerem cuilibet pro libidine lice-
re Concilijs resistere, recte dicerē, quia articulo praceden-
te confitetur sanctissimus uicarius dei, se in Concilijs de-
terminare ea, quæ nō necessaria sunt ad salutē, eaq; posse
uertere in necessaria, ideo non solum resisti ei licebit, sed
etiam sicut delyrum aut morionem rideri a morionibus
oportet, ut qui in rebus sacris tāta uel leuitate uel amentia
etiā iocari & nugari tum audeat ipse, tum cogat alios.

Adduxi autem pro mea sententia Panor. de elect. c. Si Panormita-
gnificasti, dicentem, plus esse credendam uni priuato fide-
deli quam toti Concilio, aut Papæ, si meliorem autorita-
tem uel rationem habeat. Cur hunc non damnauit san-
ctissimus Christi uicarius? Quid in meis uerbis odiose cri-
minatur, quæ aliunde pēdent? si uni priuato plus creden-
dum est quam Concilio, in aliquo casu, nonne autoritas
Conciliorum quoq; subiecta est eidem priuato fidei? Sed
finge Panor. hoc non dixisse, quid ad Paulum dicemus, Paulus
qui Gal. j. dicit: Si angelus de cœlo aliud Euangelizau-
rit anathema sit: Vide hic sanctissime Papa, Paulus ana-
thema iubet esse etiam si Angelus de cœlo aliud docuerit.
Et quanto magis anathema esse debet, si Papa de terra uel
Concilium de inferno aliud docuerint.

Idem. j. Corint. xiiij. Quod si sedenti reuelatum fuerit,
prior taceat. Nonne & hic Apostolus, docenti & maiori
obstruit os, ubi sedenti, & inferiori aliquid fuerit reuela-
tum, & plane maiorē subiicit minori. Quid ergo sibi arro-
gat Papa & Concilium, contra hæc scripturæ sanctæ ex-
empla & documenta? Paulus etiam reprehendit Petrum
Gal. ij. & Iacobus. xv. mutauit Petri sententiam. Nec ipsi
Apostoli in suo Cōcilio quicq; statuerunt de sola præsum-
ptione spūs, sed p scripturas sua pbauerūt: At nos incom-
parabili minores, statim ut nobis qcq; rectū uisum fuerit.
Concilij titulo in articulum fidei uertimus.

H b iij Trices

nota de concilio pa

Paulus

Apst per scri-
pturas sua p-
bauerunt.